

Gikinoowaajinaagoziwin-onjibaamigag aakwaadiziwin Gaawiin goweta aawizino wiiyaw

WEGONESH OWI GIKINOOWAAJINAAGOZIWIN-ONJIBAAMIGAG AAKWAADIZIWIN?

Ensa giizhigag, bemaadizijig maampii maziwe kiing waabmdaanaa-aa aakwaadiziwin zaam owi ado gikinoowaajinaagoziwin, gikinoowaajinaagoziwin izhi zhaayawaad, gikinwaajinaagoziwin nisdwaabmijigaademigag maage e'henjigaademigag gikinwaajinaagoziwin. Maanda zhinkaademigag gikinoowaajinaagoziwin-onjibaamigag aakwaadiziwin (GBV), dash wiigwa ayaawong maage ezhinaagwog gnimaa woshme aawon e'hendaman maage agaazhi noondaman.

Apii makwendamang owi GBV, wewiiba gdo inendamami owi wiiyaa wiisigaapinewind zyaagind gwiiikiwin, owi gegeti ayaawong. Dash GBV adaa digosinon kidiwinan, dodamowinan maage gajitoongh awii wiisigaapinewigowin maage bekaanzid wiiyaw, inendamowin maage maazhidoowin, manjigwa owi ezhi wiiikiwendiyeg. GBV adaa zhiwebad wiiyi yaang gwaya maage waasamo asabi biiwaabikonsingh. Apii GBV zhiwebak waasamo asabi biiwaabikonsingh owi zhinkaademigag waasamo asabi mazinaatesijigan onjibaamigag aakwaadiziwin miinwaa owi aawon gikaadendaagwog zenigag. Waasamo asabi mazinaatesijigan onjibaamigag aakwaadiziwin adaa madookidaagwon wegwen gwaa gwaya, dibi gwa iidig, miinwaa pane aawon gaawii gikenjigaadesinag ezhichiged owi. Aanowi gwa niibna tenoon dnowaa GBV, gagwech gwa niinwaa nikiya aawinon:

INENDAMAN AAKWAADIZIWIN

Kidiwinan maage dodamowinan awii majiginad maage zegad gwaya, maage naazhinamiwaad ado gichi minendiziwin miinwaa ishpindimowin, maanjigwa iidig e'kidowaad maage zhichigewaad nengaach maage gaawii, e'digosinon:

- gagwe zegimogowin, baapinidaagowin, dibasi bagidinigowin miinwaa zegendimigoyin
- dibenjigaaziwin doodamowin, aabaji nda-gikenimowin maage noopinangowin
- nibo'waawinigowin (waawinjigaazad owa aanji gikinoowaajinaagozid bemaadizid owi ado bimaadizid noziwin), "bkaanenimind" gwaya maage aagonewetood gwaya ado gikinoowaajinaagozid nisdwaabmind
- onjikewiwind gwaya newen wiiikiwenin miinwaa inoodewiziwin

ZHOONYAA ONJI AAKWAADIZIWIN

Apii bemaadizid nikaazad zhoonyaa, maage dibendaasowin, awii majiginaad maage nikaazad gwaya bekaanzid, dibishko gonaa:

- Gimoodimind Debendamang Gikenimigowin Gindaasowinan (PINs) newen zhoonyaa gamig dibendaasowin
- getinaamiikwind maage maji gazimigaazad gwaya awii miigweng zhoonyaa maage giishpinajigaademigag miinigewinan
- nashkwetood owi ado wiiikiwewin nakiwin
- nigaashimaad wiiikiwewin awii diba-ang ado skooniuid enigindemigag
- majiginang gwaya ado giishpinajigewinan

WIIYAW AAKWAADIZIWIN

Wegowen gwa enkaazang maage gagwe zegimigowin awii nikaazang wiiyaa mashkowiziwin owa menwenimind wiiikiwin maage inoodewiziwin debendaagwad, aanin ayaawong aawinon:

- gaanjwebinigowin, wepidaagowin, digishkaagowin, maage bikwaakoninj nikaazang awii wepidaagowin
- dikobinind gwaya maage gibaakogaazad
- pagidoong maage biigwigaadeg gego nikaaziwinan
- gigiibiniwebinigowin

MAAZHI-DOODIWIN AAKWAADIZIWIN

Dodamowin owi maazhi-doodiwin aakwaadiziwin adaa zhichigem wegowen gwa gwaya dibigo-iidig, waa-aaj gwa biinji wiiikiwendiyeg Ninda adaa digosinon:

- gagetin mazhi daanginigewin maage dodamowinan, e'digosin owa gwaya bekaanzid
- gagwejiitong maage zegimigowin awii debinigaademigag mazhi-doodamowin bwaa bagidinaman
- nendowendaagisnag bashigwaadiziwin kidiwinan maage gaganji maazhi dodamowinan
- maadokiing debendamang bashigwaadiziwin mazinichiginon bwaa bagidinigaademigag
- bimoong biinda-ojigan bwaa bagidinigaademigag

WENESH GEWE E'MADOOKIDAAGWOD OWI GIKINOOWAAJINAAGOZIWIN-ONJIBAAMIGAG AAKWAADIZIWIN

Kwewog, kwezensag, aanji gikinoowaajinaagozijiig, miinwaa daaswe'gikinoowaajinaagozijiig bemaadizijig memdage maadookidaagaaziwog owi GBV. Maamowi-iiing zhinda bemaadizijig, aanin yaawog woshme ishpaamigag niizaanzwin awii nakweshkamowaad GBV zaam onji mewisha miinwaa megwaa dibasabiginigewinan, dibishko gonaa ezhi gikinwaajinaagoziwin, agosaawaad bkaan gikinoowaajinaagoziniid, agosaawaad aanji gikinowaajinaagozijiig, oshki digoshinanjiig gagaandinamwaad inaadiziwinwaa, eshpigaabiwiig, bkaan enjigewin, miinwaa dibasenimaawaad memaanjimisiin, e'digosinon:

- Giizhaa Agaa Yaajig kwewog, kwezensag miinwaa 2SLGBTQIA+bemaadizijig
- Makadewizijig kwewog
- oshki digoshinajig kwewog maampii Gaanada
- wiiyi kwewan menwenimaajig, wiiyi ninoon menwenimaajig, niish jichaag ayaawijig miinwaa bemaadizijig bkaan maazhi-doodamowin mensendamowaad dash owi kwe miinwaa nini minwenidiwin
- kwewog endaajig odi Giivedinong, zaagiji odena, miinwaa bigodkamig etegin odenwinan
- kwewog myaakizijig

AANIISH OWI GIKINOOWAAJINAAGOZIWIN-ONJIBAAMIGAG AAKWAADIZIWIN EZHI MADOOKIDAAGIYAAN?

Endagwen gwa gagwek agii nakweshkiman GBV maage gaawii, megwaaach gwa agii madookidaagemigag gdo bimaadiziwin. GBV ada naazhinaan bemaadizijig epiichi mina bimaadiziwaad, aanjichigaadeg owi nikiyaa ezhi ginoodiying, zhitoong majimendaman e'gikonaamaagowin miinwaa enji gikinomaage gamig azhaawin, ombishkaamigag owi niizaanzwin newen aakoziwinan miinwaa zhitomigag biimskobidemigag owi gopaji-iwewin miinwaa aakwaadiziwin zhiwe inoodewiziwinan, gikinomaage gamigoon miinwaa odenwinan. Gikinoowaajinaagoziwin-onjibaamigag aakwaadiziwin nigaashimigwon kina gwaya.

WEGNESH AGE ZHICHIGE-AAMBAA AWII DEBINAMAA NAADMAAGEWIN?

Giishpin giin maage gwaya gekenimad nakweshkang gikinoowaajinaagoziwin-onjibaamigag aakwaadiziwin, ginoosh owa e'waankiwendagaad netaawigid. Zaam Gikinoowaajinaagoziwin-onjibaamigag aakwaadiziwin gaawii wiikaa aawizino "ngoding goweta" maage "goweta kidiwinan". Gaawii wiikaa "gego goweta" aawizino - aawon aakwaadiziwin.

GIKINOOWAAJINAAGOZIWIN-ONJIBAAMIGAG AAKWAADIZIWIN GAAWII WIIKAA GAGWEK AAWIZINO. MAKWENDAN OWI WAASAMO-ASABI MAZINA-IGAN TEMIGAD GOWETA ZHAAGINAASHIIMIWIN MIINWAA WEMITIIGOZHIMIWIN.

[CANADA.CA/ITSNOTJUST](https://canada.ca/itsnotjust)

[CANADA.CA/CENESTPASJUSTE](https://canada.ca/cenestpasjuste)



Government of Canada
Gouvernement du Canada

Canada